

摛藻堂四庫全書薈要

史部

欽定四庫全書會要

史部

宋史卷五十二



詳校官編修臣王天祿

欽定四庫全書  
舊要卷五千六百八十

史部

宋史卷五十二

元中書右丞相總裁托克托等修

文志第五



天文五

流七星曜

景星

卷之三

客星

天文五

流星

景星

星變

客星  
雲氣

日食

月日變

月日  
輝輝

七曜

日為太陽之精君之象日行一度一年一周天日月行

有道之國則光明君道至大則日色光明動不失時則  
日揚光至德之萌日月如連璧君臣有道則日含王字  
君亮天工則日備五色有聖人起則日再中人君有德  
日有四彗光芒四出日有二彗一年再赦周禮視祲掌  
十輝之法一曰祲陰陽五色之氣浸淫相侵二曰象雲  
氣成形象三曰鑄日旁氣刺日四曰監雲氣臨日上五  
曰闇謂蝕及日光脫六曰瞢不光明七曰彌白虹貫日  
八曰序謂氣若山而在日上及冠珥背璫重疊次序在

於日旁九曰隕謂暈及虹也十曰想五色有形想凡黃氣環在日左右為抱氣居日上為戴氣為冠氣居日下為承氣為履氣居日下左右為紐氣為纓氣抱氣則輔臣忠餘皆為喜為得地吉一珥在日西則西軍勝在東則東軍勝南北亦然無兵亦有拜將兩珥氣圜而小在日在右主民壽考三珥色黃白女主喜純白為喪赤為兵青為疾黑為水四珥主立侯王有子孫喜日有黃芒君福昌多黃輝王政太平日無光為兵喪又為臣有陰

謀日旁雲氣白如席兵衆戰死黑有叛臣如蛇貫之而  
青穀多傷白為兵赤其下有叛黃臣下交兵黑為水日  
始出黑雲氣貫之三日有暴雨青雲在上下可出兵有  
赤氣如死蛇為饑為疫雜氣刺日皆為兵日暈七日內  
無風雨亦為兵甲乙憂火丙丁臣下忠戊己后族盛庚  
辛將利壬癸臣專政半暈相有謀黃則吉黑為災暈再  
重歲豐色青為兵穀貴赤蝗為災三重兵起四重臣叛  
五重兵饑六重兵喪七重天下七日並出諸侯有謀無

道用兵者亡日闢為兵寇日隕下失政日中見飛燕下  
有廢主日中黑子臣蔽主明日晝昏臣蔽君之明有篡  
弑赤如血君喪臣叛日夜出兵起下陵上大水日光四  
散君失明白虹貫日近臣亂諸侯叛日赤如火君亡日  
生牙下有賊臣日食為陰蔽陽食既則大臣憂臣叛主  
兵起日食在正旦王者惡之日珥甲乙日有二珥四珥  
而食白雲中出主兵丙丁黑雲天下疫戊己青雲兵喪  
庚辛赤雲天下有少主壬癸黃雲有土功日食在甲乙

日主四海之外不占丙丁江淮海岱也戊己中州河濟也庚辛華山以西壬癸常山以北各以其下所主當之寅卯辰木招謀者司徒也巳午未火招謀者太子也申酉戌金司馬也亥子丑水司空也

月為太陰之精女主之象一月一周天君明則依度臣專則失道或大臣用事兵刑失理則乍南乍北或女主外戚專權則或進或退月變色為殃青饑赤兵旱黃喜黑水晝明則姦邪作月旁瑞氣一珥五穀登兩珥外兵

勝四珥及生戴氣君喜國安終歲不暈天下偃兵晦而  
明見西方曰朏朔而明見東方曰仄朏匿則政緩仄匿  
則政急六日而弦臣專政七日而弦主勝客八日而弦  
天下安十日不弦將死戰不勝兩月並見兵起國亂水  
溢星入月中亡國破將白暈貫之下有廢主白虹貫之  
為大兵起生齒則下有叛臣生足則后族專政月珥背  
璣暈而珥六十日兵起珥青憂赤兵白喪黑國亡黃喜  
有背珥臣下弛縱欲相殘賊不和之氣暈三重兵起四

重國亡五重女主憂六重國失政七重下易主八重亡  
國九重兵起亡地十重天下更始月食從上始則君失  
道從旁始為相失令從下始為將失法歲星犯之兵饑  
民流熒惑犯之大將死有叛臣民饑填星犯之人臣殺  
主合國饑月食填星民流一曰月犯填女主憂民流太  
白犯出月右為陰國有謀左為陽國有謀出月下君死  
民流月戴太白起兵入月將死與太白會太子危辰星  
犯之天下水月食辰水饑辰入月臣叛主彗星入或犯

之兵期十二年大饑貫月臣叛主流星犯之有兵入無光有亡國在月上下國將亂月犯列星其國受兵列星食月國相死星見月中主憂

凡月之行厯二十有九日五十三分而與日相會是謂合朔當朔日之交月行黃道而日為月所掩則日食是為陰勝陽其變重自古聖人畏之若日月同度於朔月行不入黃道則雖會而不食月之行在望與日對衝月入於閼虛之內則月為之食是為陽勝陰

其變輕昔朱熹謂月食終亦為災陰若退避則不至相敵而食所謂閭虛蓋日火外明其對必有閭氣大小與日體同此日月交會薄食之大略也日食修德月食修刑自昔人主遇災而懼側身修行者此也

歲星為東方為春為木於人五常仁也五事貌也超舍而前為贏退舍為縮色光明潤君壽民富又主福主大司農主五穀石申曰歲星所在國不可伐如歲在卯不可東征甘德曰所去國凶所之國吉退行為凶灾主泰

山徐青兗及角亢氐房心尾箕君令不順則歲星退行  
入陰為內事入陽為外事行陰道為水行陽道為旱星  
大則喜小則牛馬多死人疾疫初見小而日益大所居  
國利初出大而日小國耗荊州占歲星色黑為喪黃則  
歲豐白為兵青多獄君暴則色赤熒惑相犯為大戰相  
去方寸為犯戰客勝食火國亡邊侵曰食守之為賊居  
之不去為守觸火則國亂兩體俱動而直曰觸合鬪為  
饑旱離復合合復離曰鬪填星相犯退犯填太子叛當

東反西曰退與填星合為內亂民饑芒角相及同光曰  
合守填星其下城敗太白相犯大臣黜女主喪觸太白  
則四邊來侵守太白為四序不調合鬪則大將死辰星  
相犯太子憂觸辰主憂守憂賊合則君臣和晝見則臣  
強他星犯之主不安客星犯守主憂流星犯之色蒼黑  
大農死赤為饑疫黃則歲豐抵之臣叛主

熒惑為南方為夏為火於人五常禮也五事視也晉灼  
曰常以十月八太微受制而出行列宿司天道出入無

常二歲一周天出則有兵入則兵散逆行一舍二舍為不祥所舍國為亂賊疾喪饑兵或環遶勾芒角動搖變色乍前乍後為殃愈甚退行一舍天下有火災五舍大臣叛星經曰主霍山揚荆交州又輿鬼柳七星又主大鴻臚又曰主司空為司馬主楚吳越以南司天下羣臣之過失東行則兵聚東方西行則兵聚西方天下安則行疾與歲星相犯主冊太子有赦觸歲星有子守之太子危填星相犯兵大起入填星將為亂觸之有刀兵

守之有內賊太子危與太白相犯主亡兵起守北太子憂南庶子憂環遶偏將死與辰星相犯兵敗與辰星相會為旱秋為兵冬為喪守之太子憂有赦他星相犯兵起祿星犯之為兵為火

填星為中央為季夏為土於人五常信也五事思也常以甲辰元始之歲填行一宿二十八歲而一周天四星皆失填為之動所居國吉女子有福不可伐去之失地天子失信則填大動盈則超舍以德盈則加福刑盈則

不復縮則退舍不及常德縮則迫蹙刑縮則不育星經  
曰主嵩山豫州又主東井行中道則陰陽和調退行一  
舍為水二舍海溢河決經天退行天下更政地動巫咸  
曰光明歲熟大明主昌小暗主憂春青夏赤女主喜春  
色蒼歲大熟色赤饑有芒兵與歲星相犯相關為內亂  
合則野有兵熒惑相犯為兵喪合則為兵為內亂大人  
忌之太白相犯為內兵有大戰一曰王者失地合於太  
微國有大兵一曰國亡辰星犯為兵為旱祆星犯下臣

謀上流星犯則民多事與月相犯有兵

太白為西方為秋為金於人五常義也五事言也常以正月甲寅與火晨出東方二百四十日而入入四十日又出西方二百四十日而入入三十五日而後出東方出以寅戌入以丑未也一年一周天日方南太白居其南日方北太白居其北為羸侯王不寧用兵進吉退凶日方南太白居其北日方北太白居其南為縮侯王有憂用兵退吉進凶星經曰主華陰山梁雍益州又主奎

婁胃昴畢觜參出西方失行外國敗出東方失行中國  
敗若經天天下草民更主是謂亂紀人衆流亡晝見與  
日爭明強國弱女主昌又曰主大臣巫咸曰光明見影  
戰勝歲熟狀炎然而上兵起光如張蓋下有立王凡與  
歲星相犯兵敗失地犯熒惑客敗主勝犯填星太子不  
安失地犯辰星主兵入月主死其下兵犯月角兵起在  
左則中國勝在右則外國勝當見不見失地破軍他星  
犯其事急祿星犯邊城有戰客星犯主兵將死凡太白

至午位避日而伏若行至未即為經天其災異重也  
辰星為北方為冬為水於人五常智也五事聽也常以  
二月春分見奎婁五月夏至見東井八月秋分見角亢  
十一月冬至見牽牛出以辰戌入以丑未二旬而入晨  
候之東方夕候之西方也一年一周天出旱為月食晚  
為彗星及天祚一時不出其時不和四時不出天下大  
饑星經曰主常山冀并幽州又主斗牛女虛危室壁又  
曰主燕趙代主廷尉以比宰相之象石申曰色黃五穀

熟黑為水蒼白為喪凡與歲星相犯皇后有謀熒惑犯  
妨太子填星犯兵敗太白亦然芒角相及同光曰合他  
星光曜相逮為害客星太陰流星相犯主內患

凡五星歲星色青比參左肩熒惑色赤比心大星填  
星色黃比參右肩太白色白比狼星辰星色黑比奎  
大星得其常色而應四時則吉變常為凶木與土合  
為內亂饑與水合為變謀而更事與火合為饑為旱  
與金合為白衣之會合鬪國有內亂野有破軍為水

太白在南歲星在北名曰牝牡年穀大熟太白在北  
歲星在南其年或有或無火與金合為熾為喪不可  
舉事用兵從軍為軍憂離之軍却出太白陰分地出  
其陽偏將戰與土合為憂主孽卿與水合為北軍用  
兵舉事大敗一曰火與水合為焮不可舉事用兵土  
與水合為壅沮不可舉事用兵有覆軍一曰為變謀  
更事必為旱與金合為疾為白衣會為內兵國亡地  
與木合國饑水與金合為變謀為兵憂木火土金與

水鬪皆為戰兵不在外昏為內亂三星合是謂驚立  
絕行其國外內有兵與喪百姓饑乏改立侯王四星  
合是謂大陽其國兵喪並起君子憂小人流五星若  
合是謂易行有德受慶改立王者奄有四方子孫蕃  
昌亡德受殃離其國家滅其宗廟百姓離去被滿四  
方五星皆大其事亦大皆小事亦小五星俱見其年  
必惡凡五星與列宿相去方寸為犯居之不去為守  
兩體俱動而直曰觸離復合合復離曰鬪當東反西

曰退芒角相及同舍曰合凡五星東行為順西行曰逆順則疾逆則遲通而率之終於東行不東不西曰留與日相近而不見曰伏伏與日同度曰合凡金水二星行速而不經天自始與日合後行速而先日夕見西方去日前稍遠夕時欲近南方則漸遲遲極則留留而近日則逆行而合日在於日後晨見東方逆極則留留而後遲遲極去日稍遠旦時欲近南方則速行以追日晨伏於東方復與日合度此五星合見

遲疾順逆流行之大端也

凡五星之行古法周天之數如歲星謂十二年一周天乃約數耳晉灼謂太歲在四仲則行三宿在四立四季則行二宿故十二年而行周二十八宿其說亦非夫二十八宿度有廣狹而歲星之行自有盈縮豈得以十二年一周無差忒乎唐一行始言歲星自商周迄春秋季年率百二十餘年而超一次因以為常以春秋亂世則其行速時平則其行遲其說尤迂既

乃為後率前率之術以求之則其說自悖矣今紹興  
厯法歲星每年行一百四十五分是每年行一次之  
外有餘一分積一百四十四年剩一次矣然則先儒  
之說安可信乎餘四星之行固無逆順中間亦豈無  
差忒一行不復詳言蓋亦知之矣

景星

景星德星也一曰端星如半月生於晦朔大而中空其  
名各異曰周伯其色黃煌煌然所見之國大昌曰含譽

光耀似彗喜則含譽射曰格澤狀如炎火下大上銳色  
黃白起地上見則不種而獲曰歸邪兩赤彗向上有蓋  
曰天保星有音如炬火下地野鷄鳴皆五行沖和之氣  
所生也其王蓬芮玄保昭明昏昌旬始司危昴冒地維  
滅光之類亦皆為瑞星然前志以王蓬芮已下星為妖  
星又奇星古無所考見於仁宗英宗之時故附於景星  
之末云

彗字

彗星小者數寸長者或竟天見則兵起大水除舊布新之兆也其體無光傳日而為光故夕見則東指晨見則西指光芒所及則為災有五色各依五行本精所生孛星彗屬偏指曰彗芒氣四出曰孛孛者孛孛然非常惡氣之所生也主大亂主大兵災甚於彗旄頭星玉冊云亦彗屬也

客星

客星有五周伯老子王蓬絮國皇溫星是也周伯大而

黃煌煌然所見之國兵喪饑饉民庶流亡老子明大純  
白出則為饑為凶為善為惡為喜為怒王蓬絮狀如粉  
絮拂拂然見則其國兵起有白衣之會國皇大而黃白  
有芒角主兵起水災人主惡之溫星色白狀如風動搖  
常出四隅皆主兵此五星錯出乎五緯之間其見無期  
其行無度各以其所在分野而占之又四隅各有三星  
東南曰盜星主大盜西南曰種陵出則穀貴西北曰天  
狗見則天下大饑東北曰女帛主有大喪

流星

流星天使也自上而降曰流東西橫行亦曰流流星有  
八曰天使曰天暉曰天鴈曰天保曰地鴈曰梁星曰鬱  
頭曰天狗流星之為天使者有祥有妖為天暉天鴈夜  
隕而為天保則祥若夜隕而為地鴈梁星晝隕而為鬱  
頭則妖流星之大者為奔星夜隕而為天狗厥妖大自  
下而升曰飛飛星有五亦有妖祥之分飛星化而為天  
刑則祥為降石為頓頑為解銜為大滑則為妖

妖星

妖星五行乘戾之氣也五星之精散而為妖星形狀不同為殃則一各以其所見日期分野形色占為兵饑水旱亂亡星長三尺至五尺期百日等而上之至一丈期一年三丈期三年五丈期五年十丈期七年十丈已上不出九年蓋妖星長大則期遠而殃深短小則期近而殃淺天棓乃歲星之精主奮爭天槍如彗出西方長二三尺名天槍主破國天猾主招亂天櫬出西方長數丈

主國亂室尤旗類彗而後曲主兵天衝狀如人蒼衣赤首不動主下謀上滅國國皇大而赤去地三丈如炬火主內寇及登主夷分主恣虐旦見則主弱昭明如太白光芒不行主兵喪司危天官書如太白有目去地可六丈大而白其下有兵主擊強五殘如辰星去地六七丈其下有兵主奔亡六賊去地六丈大而赤有光出非其方下有兵喪獄漢青中赤表下有三彗去地可六丈大而赤數動天奔主滅邪暴兵燭星主滅邪絳流主伏逃

昴星昴孛星主災旬始出北斗旁如雄鷄見則更主擊  
咎主大兵有反者大亂天杵主祥羊天柂主擊殃伏靈  
見則世亂天敗主鬪衝司姦主見怪天狗有毛旁有短  
彗下如狗形見則兵饑天殘主貪殘卒起有謀反主驚  
亡柱失色黑蛇行望之如有毛目長數匹者見則兵起  
破女君臣憂上下亂拂樞主制時滅寶主伐亂繞綻主  
亂孳驚理主相屠大奮祀主招邪天鋒彗象形似矛鋒  
見則兵起有亂臣招星有三彗兵出有大盜不成又主

滅邪蓬星大如二斗器色白出東南方東北主旱或大水長庚星如一匹布著天見則兵起四填大而赤可二丈為兵地維滅光星如月始出大而赤去地二丈東南旱西北兵出東北大水老子星色白為善為惡為饑為凶為喜為怒營頭星有雲如壞山墜所墜下有覆軍流血積陵出西南長三丈主兵人饑昏昌出西北氣青赤色中赤外青主國易政革星出西北狀如環大則諸侯失地白星如削爪主男喪昴昌色赤青環之主水天下

改易濛星赤如牙旗長短四面西南最多亂之象長星  
出西方歲星之精化為天培天槍天猾天衝國皇及登  
蒼彗火星之精化為昭旦蚩尤之旗昭明司危天櫬赤  
彗土星之精化為五殘六賊獄漢大賁昭星絀流茀星  
旬始蚩尤虹蜺擊咎黃彗太白之精化為天杵天柵伏  
靈天敗司姦天狗天殘卒起白彗辰星之精化為枉矢  
破女拂樞滅寶統綆驚理大奮祀黑彗而月旁祫星亦  
各有所生天槍天荆真若天捲天樓天垣歲星所生也

見以甲寅日有兩青方在其旁天陰晉若官張天惑天雀赤若蚩尤熒惑所生也出在丙寅日有兩赤方在其旁天上天伐縱星天樞天翟天沸荆彗填星所生也出在戊寅日有兩黃方在其旁若星纂星若彗竹彗牆星權星白幢太白所生也出在庚寅日有兩白方在其旁天美天冕天社天林天麻天萬端下辰星所生也出以壬寅日有兩黑方在其旁見則為水旱兵喪饑亂

雲氣

周禮保章氏以五雲之物辨吉凶水旱降豐荒之祲象  
故魯僖公日南至登觀臺以望漢明帝升靈臺以望元  
氣吹時律觀物變蓋古者分至啓閉必書雲物為備故  
也迨乎後世其法寢備瑞氣則有慶雲昌光之屬妖氣  
則有虹蜺祥雲之類以候天子之符應驗歲事之豐凶  
明賢者之出處占戰陣之勝負焉

日食

建隆元年五月己亥朔日有食之二年四月癸巳朔日

有食之乾德三年二月壬寅朔日當食不食五年六月  
戊午朔日有食之開寶元年十二月己酉朔日有食之  
三年四月辛酉朔日有食之四年十月癸亥朔日有食  
之五年九月丁巳朔日有食之七年二月庚辰朔日有  
食之八年七月辛未朔日有食之太平興國二年十一  
月丁亥朔日有食之既六年九月乙未朔日有食之七  
年三月癸巳朔日有食之八年二月戊子朔日有食之  
雍熙二年十二月庚子朔日有食之三年六月戊戌朔

日有食之淳化二年閏二月辛未朔日有食之三年二  
月乙丑朔日有食之四年二月己未朔日有食之八月  
丙辰朔日有食之五年十二月戊寅朔日有食之雲陰  
不見咸平元年五月戊午朔日有食之十月丙戌朔日  
有食之二年九月庚辰朔日有食之三年三月戊寅朔  
日有食之五年七月甲午朔日有食之景德元年十二  
月庚辰朔日有食之三年五月壬寅朔日有食之雲陰  
不見四年五月丙申朔日有食之陰雨不見大中祥符

二年三月丙辰朔日有食之陰雨不見五年八月丙申  
朔日有食之六年十二月戊午朔日有食之七年十二  
月癸丑朔日當食不食八年六月己酉朔日有食之天  
禧三年三月戊午朔日有食之五年七月甲戌朔日有  
食之乾興元年七月甲子朔日食幾盡天聖二年五月  
丁亥朔日當食不食四年十月甲戌朔日有食之六年  
三月丙申朔日有食之七年八月丁亥朔日有食之明  
道二年六月甲午朔日有食之景祐三年四月己酉朔

日當食不食寶元元年正月戊戌朔日有食之康定元  
年正月丙辰朔日有食之慶曆二年六月癸酉朔日有  
食之三年五月丁卯朔日有食之四年十一月戊午朔  
日當食不食五年四月丁亥朔日有食之雲陰不見六  
年三月辛巳朔日有食之皇祐元年正月甲午朔日有  
食之四年十一月壬寅朔日有食之五年十月丙申朔  
日有食之至和元年四月甲午朔日有食之嘉祐元年  
八月庚戌朔日有食之三年八月己亥朔日有食之四

年正月丙申朔日有食之六年六月壬子朔日有食之  
雲陰不見熙寧元年正月甲戌朔日有食之二年七月  
乙丑朔日有食之雲陰不見六年四月甲戌朔日有食  
之雲陰不見八年八月庚寅朔日有食之雲陰不見元  
豐元年六月癸卯朔日當食不食三年十一月己丑朔  
日有食之四年十一月癸未朔日當食不食五年四月  
壬子朔日有食之雲陰不見六年九月癸卯朔日有食  
之元祐二年七月庚戌朔日有食之陰雨不見六年五

月己未朔日有食之紹聖元年三月壬申朔日有食之  
二年二月丁卯朔日當食不食四年六月癸未朔日有  
食之雲陰不見元符三年四月丁酉朔日有食之建中  
靖國元年四月辛卯朔日有食之雲陰不見大觀元年  
十一月壬子朔日有食之二年五月庚戌朔日有食之  
四年九月丙寅朔日有食之政和三年三月壬子朔日  
有食之五年七月戊辰朔日有食之重和元年五月壬  
午朔日有食之宣和元年四月丙子朔日有食之五年

八月辛巳朔日有食之陰雲不見建炎三年七月丙午

朔日食於元紹興五年正月乙巳朔日食於女七年三

年癸巳朔日食於室

是年當金之天會十五年  
金史不書日食

八年至十二

年日食多在夜史蒙蔽不書十三年十二月癸未朔日

食於牛零雲不見十五年六月乙亥朔日食於井十七

年十月辛卯朔日食於氐

是年乃金之皇統七年  
金史不書日食

十八年

四月戊子朔日有食之零雲不見十九年三月癸未朔

日有食之零雲不見二十四年五月癸丑朔日有食之

零雲不見二十五年五月丁未朔日有食之零雲不見  
二十八年三月辛酉朔日有食之零雲不見三十年八  
月丙午朔日食於翼三十一年正月甲戌朔太史言日  
當食而不食三十二年正月戊辰朔日食於女隆興元  
年六月庚申朔日食於井二年六月甲寅朔日有食之  
零雲不見乾道五年八月甲申朔日食在翼零雲不見  
九年五月壬辰朔日食在井零雲不見淳熙元年十一  
月甲申朔日食在尾零雲不見三年三月丙午朔日有

食之零雲不見四年九月丁酉朔日有食之零雲不見  
十年十一月壬戌朔日食於心十五年八月甲子朔日  
食於翼十六年二月辛酉朔日有食之零雲不見慶元  
元年三月丙戌朔日食於婁四年正月己亥朔日有食  
之零雲不見五年正月癸巳朔日有食之零雲不見六  
年六月乙酉朔日有食之零雲不見是年乃金承安五年  
金史不書日食

嘉泰二年五月甲辰朔日食於畢三年四月己亥朔日  
有食之金史不書開禧二年二月壬子朔日當食太史言不

見虧分嘉定三年六月丁巳朔日有食之四年十一月  
乙酉朔日當食太史言不見虧分金史不書七年九月壬戌  
朔日食於角九年二月甲申朔日食於室十年七月丙  
子朔日食於張十一年七月庚午朔日有食之十四年  
五月甲申朔日食於畢十六年九月庚子朔日食於軫  
寶慶三年六月戊申朔日有食之紹定元年六月壬寅  
朔日有食之六年九月壬寅朔日有食之零雲不見端  
平二年二月甲子朔日當食不虧嘉熙元年十二月戊

寅朔日有食之淳祐二年九月庚辰朔日有食之三年  
三月丁丑朔日有食之五年七月癸巳朔日有食之六  
年正月辛卯朔日有食之九年四月壬寅朔日有食之  
十二年二月乙卯朔日有食之寶祐元年二月己酉朔  
日有食之景定元年三月戊辰朔日有食之二年三月  
壬戌朔日有食之咸淳元年正月辛未朔日有食之三  
年五月丁亥朔日有食之四年十月戊寅朔日有食之  
六年三月庚子朔日有食之七年八月壬辰朔日有食

之八年八月丙戌朔日有食之德祐元年六月庚子朔  
日食既星見雞鶩皆歸明年宋亡

日變

周顯德七年正月癸卯日既出其下復有一日相掩黑  
光摩盪者久之開寶七年正月丙戌日中有黑字二景  
德元年十二月甲辰日有二影如三日狀三年九月戊  
申日赤如赭四年四月甲申日無光寶元二年十二月  
庚申日赤如朱踰二刻復慶歷八年正月乙未日赤無

光熙寧十年二月辛卯日中有黑子如李至乙巳散元  
豐元年閏正月庚子日中有黑子如李至二月戊午散  
十二月丙午日中有黑子如李大至丁巳散二年二月  
甲寅日中有黑子如李至癸亥散崇寧二年五月癸卯  
日淡赤無光三年十月壬辰日中有黑子如棗大政和  
二年四月辛卯日中有黑子乍二乍三如栗大八年十  
一月辛亥日中有黑子如李大宣和二年正月己未日  
蒙蒙無光五月己酉日中有黑子如棗大三年十二月

辛卯日中有黑子如李大四年二月癸巳日蒙蒙無光  
靖康元年閏十一月庚申日赤如火無光建炎三年三  
月己卯日中有黑子至壬寅始消紹興元年二月己卯  
日中有黑子如李大三日乃伏六年十月壬戌日中有  
黑子如李大至十一月丙寅始消七年二月庚子日中  
有黑子如李大旬日始消四月戊申日中有黑子至五  
月乃消八年二月辛酉日中有黑子十月乙亥日中有  
黑子十五年六月丙午日中有黑氣往來丁未日中有

黑子日無光乾道五年正月甲申日色黃白昏霧四塞淳熙十二年正月癸巳日中生黑子大如棗戊戌至庚戌日中皆有黑子十三年五月庚辰日中生黑子大如棗紹熙四年十一月辛未日中有黑子至庚辰始消慶元六年八月乙未日中有黑子如棗大至庚子日消十二月乙酉又生至乙巳始消嘉泰二年十二月甲戌日中生黑子大如棗丙戌始消四年正月癸未開禧元年四月辛丑日中皆有黑子大如棗嘉熙二年十月己巳

日中有黑子德祐二年二月丁酉朔日中有黑子如鵝  
卵相盪

日暉氣

建隆元年迄開寶末凡冠氣七珥百抱氣七承氣六赤  
黃氣三黃白氣三青氣二纓一暉一百五十六半暉四  
十五重暉五十九重半暉七交暉一十八背氣二百三  
十一紐氣戟氣三太平興國迄至道末凡冠氣一十八  
戴氣三抱氣一十三珥七十七承氣三赤黃氣璣氣一

青氣三暈五十九半暈二十三重暈一十二交暈三背  
氣四十四紐氣三戟氣一直氣一十五咸平元年迄乾  
興末凡重輪二十四彗一五色氣一冠氣二百六十六  
珥四十二戴氣一百九十七抱氣五十七承氣一百八  
十四直氣七十七光氣一黃氣九赤黃氣四紫氣五赤  
黃交氣二赤黃綠碧氣二青赤氣二十一黃白氣一黑  
氣二白氣五纓三戟氣一紐氣二背氣二百九十九暈  
一千二百三十一半暈六百五十三重暈二十七交暈

一十三天聖元年訖嘉祐末凡日黃曜有光一輝氣一  
十九龍鳳雲一慶雲二五色雲八紫黃雲五赤黃雲一  
紫雲二青黃紫暉八百五十五周暉二十六重暉一十  
六交暉五連環暉一珥八百四十七冠氣一百四十戴  
氣二百五十六承氣一百重承氣一抱氣一十八負氣  
一背氣一百七格氣二直氣五白虹貫日四白氣如繩  
貫日并暉一治平元年訖四年凡五色雲八輝氣一暉  
一百二十八周暉三重暉十二交暉二珥八十九冠氣

一一戴氣三十九承氣五背氣三十三白虹貫日一

白虹貫珥一治平以後訖元豐末凡日暉一千三百五

十六周暉二百七十七重暉七十四交暉四十九連環

暉一珥八百八十二冠氣四十二戴氣二百七十一承

氣五十抱氣二背氣二百四十六直氣二戟氣一纓氣

五璣氣一白虹貫日九貫珥三五色雲二十六自元豐

八年三月五日訖元符三年正月十二日暉五百二十

八周暉二百五十七重暉六十八交暉六十七五色氣

暈二珥五百五十六冠氣六十一戴氣一百五十承氣  
三十三背氣一百七十四直氣三戟氣四纓氣一格氣  
五白虹貫日一十六貫珥一五色雲十二自元符三年  
正月訖靖康五年四月凡日暈九暈戴三半暈一暈珥  
背一半暈重背一暈纓一珥背三珥十三暈珥七冠氣  
七暈珥四戴氣六承氣二抱氣四背氣一十七五色氣  
暈一直氣四環氣戴氣二戟氣一履氣二半暈重履一  
半暈再重一建炎三年春明年二月辛丑白虹貫日四

年十一月癸卯日生背氣紹興元年正月壬戌日生背氣二年四月壬申五月戊寅日皆生戴氣閏四月丙申日生背氣三年二月乙卯日生戴氣六月甲申朔日生背氣四年正月壬子日生承氣三月壬戌日暈于軫甲子又暈于婁辛未又暈于胃是日日生抱氣五月甲戌日生背氣六月壬辰日暈于井五年正月庚申日有戴氣六年二月丙寅日暈于婁二月戊寅日暈于張丁亥又暈于胃四月己亥日生戴氣庚子復生仍有承氣十

一月庚寅日左右生珥并背氣癸巳日又生背氣七年  
二月辛丑氣氣翳日八年二月辛巳白虹貫日二十一  
年閏四月壬申日生赤黃暉周匝二十七年二月壬寅  
白虹貫日二十八年二月戊申日生赤黃暉周匝二十  
九年正月癸酉日連暉上生青赤黃色戴氣日左右生  
珥三十一年四月戊辰日生赤黃暉周匝六月辛酉日  
上暉外生赤黃色有背氣七月辛卯日上暉外生背氣  
隆興二年二月壬申日生赤黃色暉日左右生青赤黃

珥癸未日生赤黃色暈周匝三月庚戌日生赤黃色暈  
周匝六月甲子日有戟氣七月甲申朔日生赤黃暈不  
匝上生重暈又生背氣及青珥丁亥日生重暈上生青  
赤黃色背氣癸卯日生赤黃暈不匝暈外生背氣赤黃  
炳頭向外曲乾道元年六月丁未日暈周匝下暈外生  
格氣橫在日下二年二月庚辰日左生赤黃色直氣長  
丈餘及半暈背氣三年三月丁巳日暈于婁外生赤黃  
承氣四月辛卯日暈赤黃色周匝五月戊戌朔日赤黃

暈周匝甲辰日下暈外有青赤黃承氣六月丙子日赤  
黃暈周匝四年六月丁巳日赤黃暈周匝五年正月己  
巳日生黃色戴氣承氣六年三月丁丑日暈不匝下生  
承氣閏五月壬辰日半暈再重生戴氣承氣丁酉日左  
生珥八年六月辛丑日暈不匝左右生珥壬寅日暈周  
匝丁未日暈不匝外生承氣日下暈九年二月丙子日  
暈于奎淳熙元年三月辛丑日暈于胃二年七月甲辰  
日生背氣三年二月庚子日暈不匝外日半暈再重四

年二月戊子日暉不匝日上連暉生戴氣日下暉外生  
承氣五年三月癸卯四月乙酉六月庚辰皆日暉周匝  
十二月乙未日生兩珥一戴氣六年二月癸丑日半暉  
再重六月己丑日暉周匝十二月辛亥日暉外生戴氣  
八年正月己酉日生戴氣後日左生青赤黃珥閏三月  
丙申日暉周匝七月己卯日半暉外生背氣十一年正  
月戊申日半暉再重十三年五月己卯日暉周匝十五  
年二月己卯日赤黃暉周匝六月丙申日上生青赤黃

色背氣十六年三月壬寅日半暉再重紹熙元年五月  
庚辰日半暉再重六月甲申日生赤黃暉周匝二年二  
月壬寅日生戴氣青赤黃色三月辛未日生青赤黃暉  
周匝四月癸未日生戴氣七月庚申日暉外青背氣壬  
戌日有背氣四年二月癸亥日暉周匝十一月辛巳日  
暉外生背氣五年四月乙卯日暉周匝六月丙午日上  
暉外生背氣慶元元年正月丙辰白虹貫日二月辛巳  
日上暉外生青赤黃背氣四月己未日生赤黃色格氣

二年五月己丑日生背氣其色青黃嘉泰元年六月辛  
卯日暉周匝嘉定四年七月己卯巳初刻日有赤黃暉  
不匝至酉初後日上暉外生青赤黃背氣六年四月己  
卯日赤黃暉周匝七年三月壬申日生赤黃暉外有青  
赤黃承氣後暉周匝十一年二月丙辰日有赤黃暉白  
虹貫日丙寅日有戴氣十五年二月己亥日暉于婁周  
匝有承氣十七年六月辛卯日生背氣寶慶三年十二  
月己酉日旁有氣如珥紹定三年二月丙申日有背氣

四年七月己丑日生承氣五年三月丁酉日生抱氣承  
氣端平元年四月甲申日生赤暉六月戊子日生赤黃  
暉上下有格氣二年六月戊寅日有承氣三年二月辛  
亥日暉周匝嘉熙元年二月己酉日暉周匝三月癸亥  
七月壬申日有背氣四年二月丙申朔日生背氣辛丑  
白虹貫日淳祐元年二月戊寅午後日暉三年七月甲  
午日生格氣五年五月戊申日生赤黃暉外有背氣六  
月甲子日暉周匝六年三月癸巳日暉周匝生珥氣四

月丁丑日暉周酉七年二月戊申日暉周酉八年六月  
己酉日暉于井赤黃周酉寶祐元年正月戊戌日生戴  
氣二年二月辛酉日暉周酉四年三月乙卯日暉周酉  
景定四年四月戊辰日生赤黃暉五年三月己丑日暉  
于婁周酉赤黃自午至申六月庚午日生赤黃暉九月  
己丑日生格氣咸淳元年六月壬午日生承氣七年春  
三月辛巳日暉赤黃周酉

月食

開寶元年十一月庚寅月食二年十月戊子月食三年  
四月乙酉月食五年八月壬寅月食七年八月庚寅月  
當食不食太平興國二年六月甲辰月食既十一月壬  
寅月食三年十月丙寅月食雲陰不見五年八月乙卯  
月食既雍熙元年正月丙寅月食二年七月戊午月當  
食不食四年五月丁丑月食端拱二年三月丁酉月當  
食不食淳化元年正月庚寅月食二年八月壬午月食  
既三年正月癸卯月食八月丙子月食雲陰不見五年

六月乙未月食十二月癸巳月食既至道元年六月己丑月食雲陰不見十二月丁亥月食二年十月辛亥月食咸平元年十月庚子月食二年九月乙未月食三年二月壬戌月食八月庚申月食四年八月甲寅月食五年正月辛亥月食七月戊申月食六年正月甲辰月食七月壬寅月食景德元年十一月乙丑月食二年五月壬戌月食十月庚寅月食三年十一月癸丑月食四年五月辛亥月食雲陰不見九月戊寅月當食不食大中

祥符元年九月癸酉月食二年九月丁卯月當食不食  
三年閏二月甲子月食五年正月甲申月食陰翳不見  
七月庚辰月食十二月丁丑月食八年十月辛卯月食  
九年四月己丑月食雲陰不見天禧元年四月壬午月  
食十月庚辰月食三年二月壬寅月食四年八月癸巳  
月食天聖二年五月壬寅月當食不食四年五月戊午  
月食慶歷二年六月丁亥月食五年四月庚子月食九  
月戊戌月食六年九月壬辰月食皇祐二年七月庚子

月食四年十一月丙辰月食五年十月辛亥月食至和  
二年九月庚午月食嘉祐元年八月甲子月食既二年  
二月壬戌月食八月戊午月食三年閏十二月辛巳月  
食四年六月戊寅月食十二月乙亥月食既五年十二  
月己巳月食七年十月己丑月食八年十月癸未月食  
既治平元年四月庚辰月食四年二月甲午月食熙寧  
元年七月乙酉月食二年閏十一月丁未月食三年五  
月乙巳月當食雲陰不見四年五月己亥月食十一月

丙戌月食六年三月戊午月食九月乙卯月食七年九  
月己酉月食既九年正月壬申月食雲陰不見十年正  
月丙寅月食七月癸亥月食雲陰不見元豐元年正月  
庚申月當食有雲障之六月戊午月食二年六月壬子  
月當食雲陰不見三年十月甲戌月食雲陰不見四年  
四月辛未月食既十月己巳月食五年十月癸亥月食  
六年八月丁亥月當食不食七年二月乙酉月食雲陰  
不見八月辛巳月食雲陰不見八年八月丙子月食既

元祐元年十二月戊戌月當食雲陰不見三年六月庚寅月食既十二月丁亥月當食雲陰不見四年五月甲申月食雲陰不見五年五月戊寅月食雲陰不見六年四月癸卯月食雲陰不見七年三月戊戌月食既八年九月己丑月食雲陰不見紹聖三年七月癸卯月食雲陰不見四年正月庚子月食雲陰不見元符元年五月壬戌月當食不食二年五月丙辰月食既十月甲寅月食既三年十月戊申月食崇寧二年二月甲子月食既

八月辛酉月食既三年二月己未月食八月丙辰月食  
四年十二月戊寅月食五年六月乙亥月食十二月壬  
申月食既大觀三年十月丙戌月食四年四月甲申月  
食既九月庚辰月食既政和元年三月戊寅月食九月  
甲戌月食三年二月丁酉月食十月甲午月食四年正  
月辛卯月食既六年十一月乙巳月食七年十一月己  
亥月食重和元年五月丙申月食宣和二年三月丙辰  
月食六年正月癸亥月食十二月戊午月食既建炎三

年二月壬午月食于軫紹興元年八月己卯月當食雲  
陰不見二年二月丙子月未當闕而闕體如食色黃白  
七月甲戌月食于室既三年七月戊辰月食于危四年  
十二月庚寅月食于井五年十一月乙酉月食于井既  
六年五月辛巳月食于南斗十一月己卯月當食雲陰  
不見八年三月辛丑月當食雲陰不見九月丁酉月當  
食雲陰不見九年九月壬辰月食于胃既十二年七月  
丙午月食雲陰不見十二年六月庚子月食既十二月

戊戌月當食雲陰不見十四年六月甲午月食于女十五年五月己未月當食陰雲不見十六年四月甲寅月食二十一年二月丙辰望月當食陰雲不見二十五年五月壬戌望月當食以山色遮映不見虧分二十七年九月丁丑月食三十年正月甲午望月當食陰雲蔽之隆興二年五月己亥月當食陰雲蔽之乾道元年四月甲午月當食陰雲蔽之四年二月丁未月食既五年二月辛丑月當食陰雲不見六年十一月辛酉月當食陰

雲不見八年六月壬子月當食陰雲不見淳熙元年四  
月壬申月當食陰雲不見二年四月丙寅月食于房既  
九月癸亥月當食雲陰不見三年三月庚申月當食雲  
陰不見五年二月己卯月當食雲陰不見六年正月甲  
戌月食既八年十一月丁亥月食九年十一月辛巳月  
食十年五月己卯月食十二年三月戊戌月食九月乙  
未月當食雲陰不見十三年三月壬辰月當食陰雲不  
見八月庚寅月食既十四年八月甲申月當食陰雲不

見十六年十二月辛丑月當食陰雲不見紹熙元年六  
月丁酉月當食陰雲不見十一月乙未月當食陰雲不  
見二年六月壬辰月當食陰雲不見三年四月乙巳月  
當食陰雲不見五年九月癸卯月當食陰雲不見慶元  
二年八月壬戌月食三年七月己未月食既四年七月  
庚戌月食六年五月庚午月當食陰雲不見嘉泰二年  
五月己未月當食陰雲不見三年三月癸未月當食陰  
雲不見開禧元年三月壬申月當食陰雲不見閏八月

己巳月當食陰雲不見三年正月壬辰月食七月戊子  
月食嘉定元年二月丙戌月當食陰雨不見十二月庚  
辰月食二年六月丁丑月食三年十一月己亥月食五  
年十月戊子月食七年二月庚戌月食八月丁未月食  
八年八月辛丑月食既九年二月己亥月當食雲陰不  
見閏七月乙未月當食雲陰不見十年十二月戊午月  
食十二年六月乙卯月食十二月壬子月食既十二年  
五月庚戌月當食既雲陰不見十一月丙午月食十三

年五月甲辰月當食雲陰不見十四年十月丙寅月食  
十五年三月癸亥月當食于氏既雲陰不見十六年三  
月丁巳月當食雲陰不見寶慶元年正月丁丑月食七  
月癸酉月食陰雨不見二年七月戊辰月食陰雨不見  
紹定元年十一月甲申月食二年十一月己卯月食四  
年四月庚午月食五年三月乙未月食六年二月庚寅  
月食端平二年十二月癸卯月食三年十二月丁酉月  
食嘉熙元年六月乙未月食三年四月甲寅月食四年

四月戊申月食淳祐元年九月庚子月食四年十月癸  
丑月食五年七月戊申月食七年五月丁卯月食八年  
十月己丑月食十一年三月乙亥月食九月壬申月食  
十二年八月丙寅月食寶祐二年閏六月丙戌月食三  
年十二月丁丑月食五年十月丁酉月食六年四月癸  
巳月食十月辛卯月食開慶元年四月戊子月食十月  
己酉月食景定二年七月甲戌月食咸淳二年六月丁  
丑月食十一月甲辰月食四年七月癸亥月食五年九

月丁巳月食六年三月乙卯月食九月辛亥月食九年

正月戊辰月食十二月壬戌月食

月變

天禧四年四月乙酉西南方兩月重見

月暉氣

建隆元年迄開寶末凡珥一十九暉氣一十三暉二十九重暉一半暉一十四交暉二紐氣二太平興國元年迄至道末凡冠氣一珥六暉氣五赤氣二抱氣一暉八

半暈三背氣一咸平元年迄乾興末凡重輪三珥一百二十冠氣十二暈氣十二承氣八抱氣三戴氣九赤黃氣十七五色氣十一青赤氣二黃紅氣一暈三百九十四五色重暈二十背氣一天聖元年訖嘉祐末凡揚光一光芒氣一紅光輝氣一輝氣五五色輝氣一暈二百五十七周暈三十三交暈四連環暈一珥七十二冠氣五戴氣一十三承氣五背氣一白虹貫月一黃虹貫月二治平元年訖四年凡五色輝氣一五色暈氣一暈五

十一珥一十五冠氣一戴氣四背氣二四年訖元豐末  
凡五色暉氣十一五色暉氣六暉四百二十三周暉二  
百四十七交暉二珥一百三十四冠氣七戴氣五十承  
氣五背氣一十白虹貫月五貫珥一自元豐八年三月  
五日至元符三年正月十二日凡五色暉氣九暉八十  
九周暉二百五十一重暉一交暉三珥一百三冠氣七  
戴氣一十七背氣八白虹貫月二貫珥一自元符三年  
正月迄靖康二年四月凡暉五暉珥二五色暉五珥二

暉冠一爻暉一重暉一白虹貫月一五色雲一建炎四年十月己卯暉生五色紹興二年四月壬申暉於乾五月乙亥暉生五色四年六月壬午暉生閏五年正月戊

午暉於東井乾道元年三月丁巳暉周匝著太微西扇

星三年五月壬午生黃白暉左若珥四年三月壬寅生

黃白暉周匝五年閏月庚子黃白暉周匝嘉泰三年七

月壬午白虹如半暉貫月中淳祐六年閏四月辛丑暉

五年十月辛丑生珥八年二月戊子暉生黃白寶祐四

年三月乙卯四月庚午景定三年十月甲子十二月辛酉四年二月戊午暉皆周匝德祐二年正月己卯暉東井

宋史卷五十二

宋史卷五十二考證

天文志五朔而明見東方曰仄朏匿則政緩仄匿則政急○臣召南按漢志云朔而明見東方曰仄匿句朏則政緩句仄匿則政急句此文誤倒朏字於匿字上熒惑又輿鬼柳七星○臣召南按五星各主其方之七宿惟南方不同者以填星主東井故熒惑但主六宿也此志又字下脫主字輿鬼柳七星下脫張翼軫三字

太白出以寅戌入以丑未也。寅戌係辰戌之誤。  
唐一行始言歲星云云。臣召南按一行所言歲星行  
度古今之異至紹興厯法始知其妄蓋五星自古平  
行算術有未精耳。

景星德星也。一曰端星。臣召南按端星當作瑞星隋  
志可證若作端星則當入妖變矣。

妖星國皇及登蒼慧。及登當作反登。

宋史卷五十二 考證

謹案第十頁前五行辰星色黑刊本辰訛歲據監

本改

金安世屋





總校官庶吉士臣張能照  
校對官庶吉士臣徐如澍  
謄錄監生臣張虎文

欽定四庫全書叢要

史部

宋史卷五十三



詳校官編修臣王天祿

欽定四庫全書薈要卷五千六百八十一

史部

宋史卷五十三

元中書右丞相總裁托克托等修

巢文志第六

天文六

月犯五緯

月犯五緯建隆二年十一月癸未月犯歲星三年二月  
乙巳又犯開寶三年九月乙卯犯填星太平興國三年  
七月己亥掩熒惑八月甲戌與太白合八年七月辛巳

凌歲星端拱元年二月戊申犯填星辛亥犯歲星六月  
丁卯掩填星淳化元年十一月丙申與熒惑合二年六  
月己丑犯歲星三年三月癸亥與太白合九月戊午掩  
熒惑十二月甲申與熒惑合四年十月癸未與辰星合  
五年二月己亥犯歲星至道元年三月乙卯又犯三年  
八月戊申犯填星十二月癸丑犯歲星咸平元年三月  
乙丑犯熒惑五月己巳掩歲星七月甲子又犯十二年  
甲午犯填星二年二月戊子犯太白十一月乙未犯熒

惑三年二月壬子犯太白九月辛丑又犯四年十月辛酉掩熒惑十一月己丑又犯五年二月癸巳犯歲星六年十一月癸卯犯填星十二月庚子又犯景德元年八月壬申犯填星二年五月辛卯犯填星十二月癸未犯歲星大中祥符二年十一月丙子犯歲星三年十月丙辰犯熒惑四年正月丁丑犯太白二月壬辰犯填星八月丙寅犯太白五年三月癸未犯填星六月乙巳又犯六年正月丙子犯填星二月丙戌犯歲星四月辛巳又

犯七月癸卯又犯十月甲申犯太白七年十二月丁丑  
犯填星八年三月己亥犯填星四月丙辰掩熒惑八月  
癸未犯填星九年五月己巳犯歲星十月戊戌犯太白  
十二月丙戌犯熒惑天禧元年正月戊申犯歲星三年  
四月乙未犯熒惑五月癸亥又犯九月己卯犯歲星四  
年二月乙未又犯三月癸亥又犯七月辛亥犯太白八  
月庚子犯熒惑五年五月辛卯犯填星九月己卯又犯  
天聖三年正月丁未犯熒惑五年七月己未犯歲星八

月丁亥犯熒惑十一月戊申掩歲星六年九月己酉犯  
填星明道元年九月戊子犯填星景祐二年四月丁巳  
掩太白寶元元年三月己酉犯填星四月庚寅犯歲星  
慶歷元年八月庚子掩歲星十月丙申犯填星四年七  
月壬午犯熒惑六年三月丙申犯歲星七月乙酉又犯  
皇祐元年七月丙午犯歲星二年六月壬申犯填星四  
年十月己丑犯歲星至和二年五月庚辰犯填星十一  
月己酉犯歲星十二月辛丑犯填星甲辰掩歲星嘉祐

元年三月丙寅掩填星閏三月癸巳掩歲星五月戊子犯填星二年四月庚申犯熒惑六月戊申犯太白己卯犯熒惑四年五月丁酉犯太白十月甲戌犯熒惑十二月甲戌又犯庚午掩之五年三月甲午掩熒惑六年閏八月辛丑犯填星十一月癸亥又犯八年七月壬戌掩歲星治平四年正月丁亥犯辰星八月辛未犯太白癸酉犯歲星九月壬寅犯太白十月戊辰掩填星又犯熒惑熙寧元年二月丁巳犯填星四月壬子犯歲星五年

四月癸亥犯填星閏七月庚申犯熒惑六年九月甲辰掩太白十年九月庚午犯歲星十二月壬辰犯歲星元豐七年十月甲午犯辰星八年八月戊寅犯填星十一月戊戌犯歲星庚子犯填星元祐三年七月庚午犯太白十月壬辰犯歲星四年三月丙子又犯七月辛卯犯填星十月癸丑掩填星六年九月癸卯犯熒惑十二月甲戌掩歲星八年十二月丁巳犯熒惑紹聖元年六月甲戌犯太白九月辛酉犯填星十二月癸未又犯二年

正月庚戌又犯三月壬申又犯三年九月戊戌犯歲星  
四年七月丁丑犯熒惑元符二年八月壬辰犯歲星十  
一月辛巳十二月戊申皆犯三年六月癸卯犯熒惑建  
中靖國元年五月辛未犯填星崇寧元年七月丁亥犯  
太白五年二月戊子犯熒惑大觀二年十二月戊子犯  
熒惑四年七月戊午犯歲星政和元年正月己巳犯歲  
星宣和元年正月乙卯犯填星三年八月戊申犯熒惑  
四年八月庚戌犯填星七年十一月乙酉犯熒惑建炎

四年六月戊寅犯熒惑紹興元年九月己未犯太白六年五月壬午犯填星十六年六月庚申掩填星二十年二月己未犯歲星二十四年八月戊子犯歲星二十七年六月甲辰犯太白三十年六月壬子犯熒惑三十三年正月癸巳犯太白二月己亥犯歲星隆興元年三月丙申四月丙子七月戊戌皆犯填星乾道元年十一月庚午犯熒惑四年十月庚子十一月戊申皆掩犯熒惑七年三月辛巳又犯淳熙三年五月庚午犯太白六年

十一月己未犯歲星九年十一月癸巳犯太白慶元四年七月己亥宿于歲星嘉泰三年四月犯太白四年十月辛丑掩犯歲星十二月丙申又掩犯嘉定二年六月甲申掩食填星不見乙丑掩食熒惑五年九月丁未犯歲星十二年八月甲申犯熒惑十三年十月辛酉犯太白十五年三月壬子掩食太白端平二年正月丁酉犯太白嘉熙元年四月丁亥犯熒惑五月丙辰又犯七月辛酉犯歲星填星淳祐元年二月癸酉掩食熒惑六年

四月壬戌犯太白寶祐四年正月乙巳掩歲星己酉犯  
熒惑六年八月癸未又犯景定元年八月己酉掩歲星  
三年十月己未犯歲星

月犯列舍

建隆三年四月壬辰月犯輿鬼庚子犯氐五月甲子犯  
左執法六月丙申犯房第一星十二月庚戌入南斗魁  
乾德四年二月癸卯犯五車五年正月壬子犯南斗魁  
七月丁未犯昴十月己巳掩昴開寶元年正月辛卯犯

昴二年正月丙戌犯昴三年六月乙未犯東井十月癸未犯天關五年七月庚辰犯東井六年三月丁巳犯畢大星太平興國五年七月乙丑掩五諸侯七年二月丙子犯輿鬼三月丙申犯昴八年三月癸未入南斗魁八月戊寅犯昴壬午犯輿鬼庚寅犯角十月癸未犯東井己巳犯心後星九年正月庚申掩五車東南甲戌入南斗魁二月壬辰犯七星丁巳犯五諸侯丙午犯輿鬼五月甲寅掩星第三星六月壬寅犯昴七月甲子又犯癸

酉犯五諸侯第三星九月丁未犯南斗魁甲子犯昴己  
巳入輿鬼掩積尸十二月丙戌掩昴雍熙二年正月庚  
午入南斗魁二月丙戌犯輿鬼西北星三月戊申犯昴  
四月乙丑掩心後星五月丙辰犯房第二星閏九月丁  
亥掩昴十月辛酉犯軒轅掩御女端拱元年八月壬戌  
掩建第一星甲戌掩建星十二月乙亥犯房二年四月  
辛酉犯角左星淳化元年四月丙辰犯角大星七月甲  
午犯畢丙辰掩畢左股第二星九月辛巳犯牽牛十一

月乙未犯角大星二年四月庚辰犯氐東南星六月乙亥入氐十二月乙亥犯畢丙戌入氐三年十一月癸卯入畢掩大星乙卯入氐四年九月癸巳掩牽牛閏十月丁未入太微端門五年正月丙寅犯軒轅大星五月丁未入畢十月庚子凌軒轅大星丙午入氐犯東北星至道元年六月辛巳入太微十一月乙卯犯畢大星甲子入太微三年九月癸未入軒轅咸平元年六月壬辰入太微二年八月戊午入南斗魁九月癸巳犯右執法辛

己犯軒轅十月癸亥犯昴庚午入太微犯屏星三年二  
月乙丑犯心中星五月壬午犯右執法戊子犯心中星  
丙申犯太微上相六月丁未與熒惑犯右執法辛未入  
畢九月庚子入太微十月己巳犯角右星十二月丙寅  
掩心四年正月戊子犯太微上將丁酉犯南斗魁四月  
丁未又犯六月癸丑掩房次相八月乙巳犯心後星丙  
寅犯軒轅大星九月乙亥犯南斗魁丁酉犯角大星十  
月乙丑犯五車十一月乙未犯心後星十二月庚戌犯

五車乙未犯角壬戌犯心前星五年四月庚辰犯心後  
星五月戊申犯南斗魁七月壬寅掩箕甲寅犯昴八月  
庚午犯南斗魁辛丑掩昴丙戌犯五諸侯九月丙辰犯  
軒轅大星十月壬午犯軒轅小星甲申犯右執法十二  
月甲申掩心前星六年正月戊戌犯昴辛亥犯房上將  
次將心小星三月丁未犯心後星五月甲午犯軒轅大  
星七月甲寅犯五諸侯東南星八月甲申犯軒轅大星  
九月癸卯犯昴己巳犯五車十月庚申犯南斗魁丙子

犯輿鬼十一月戊戌犯罪景德元年三月庚戌犯輿鬼  
四月辛未入南斗魁五月乙丑入太微端門犯屏星六  
月甲子掩心後星丙子掩昴戊寅犯五車東南星九月  
戊子犯南斗魁十二月辛丑犯房二年正月乙卯犯昴  
七月甲寅掩心中星庚午犯東井北轍十一月庚申犯  
輿鬼辛未犯心前星三年二月己卯犯昴十一月己酉  
又犯四年六月壬午掩南斗戊午犯天關七月庚午掩  
氐辛未犯房次相八月甲寅犯東井九月己巳犯建星

十二月丙戌犯氐大中祥符元年六月壬寅犯建星八  
月丁未犯畢戊申犯天門己酉掩東井九月癸亥掩南  
斗杓十一月甲午犯牽牛十二月丁酉犯畢丙午掩角  
左星己酉犯房上相二年八月丁亥在氐戊子犯房乙  
巳在東井九月壬申又入東井乙亥犯軒轅十月丙戌  
犯建星丁酉犯畢十一月丁卯入東井丙子入氐三年  
五月壬戌入東井丁卯在執法南庚午犯氐距星丙子  
犯牽牛二月丁亥犯畢閏二月辛未犯牽牛三月庚辰

入太微端門甲申犯東井四月甲寅在軒轅西南五月  
丁亥在氐西北七月戊戌犯畢大星八月己丑犯畢戊  
辰犯東井十月庚申犯畢乙丑在軒轅西南戊辰犯左  
執法庚午入亢距星十一月丙申犯進賢十二月丁巳  
犯東井四年正月壬午犯畢三月乙酉入太微五月癸  
未在氐戊子犯牽牛六月庚戌入氐戊辰在東井七月  
戊寅犯西咸癸未犯牽牛癸巳掩畢大星八月乙巳在  
氐己酉犯建庚戌犯牽牛十月乙卯犯畢辛酉犯軒轅

御女十一月乙酉犯東井十二月戊午入太微掩左執  
法己未在進賢西南辛酉入氐五年二月戊申入東井  
壬子入太微癸丑犯執法三月庚辰入太微犯屏星五  
月甲戌犯太微上將壬午犯建癸未犯右執法六月壬  
寅又犯丙午入氐七月丁丑犯建星戊寅犯牽牛八月  
己酉犯建星乙卯犯畢九月乙酉入東井十月庚子犯  
牽牛庚戌犯畢戊午入太微閏十月丁丑犯畢丙戌入  
太微端門十一月丁未入東井丁巳入氐十二月庚辰

入太微六年正月壬寅入東井二月己巳又入癸酉犯  
軒轅大星乙亥入太微三月壬寅又入四月甲子在東  
井戊辰犯軒轅大星庚午入太微犯右執法甲戌入氐  
五月丁未入太微甲辰昏度犯南斗七月己亥犯牽牛  
庚戌犯畢癸丑掩東井八月丙戌入太微端門九月丁  
未犯東井甲寅入太微十月辛未入畢庚申入太微乙  
酉入氐十一月己亥犯畢壬寅入東井甲辰犯輿鬼辛  
亥入氐十二月己巳犯東井七年二月甲子又入三月

庚寅犯天關丁酉入太微四月己巳入氐六月庚申入  
太微甲子入氐丁卯犯南斗杓庚辰入東井七月丁未  
九月壬寅又入十一月癸卯入太微癸亥掩天關八年  
正月己丑犯罪二月己未掩東井乙丑入太微三月乙  
酉掩天關又入太微閏六月壬寅掩東井七月乙卯犯  
罰星壬申犯輿鬼八月辛巳入氐壬午犯鉞癸卯入太  
微十月壬辰入東井辛丑入氐十二月丁酉又入戊戌  
犯房上相九年正月甲寅在東井庚申犯太微右執法

二月戊子在太微三月甲寅又入四月丙子在東井戊  
寅犯輿鬼癸未入太微己丑掩天江第二星五月甲寅  
在氐七月乙丑掩東井八月丙申犯軒轅第五星戊戌  
犯太微屏星九月丁未犯南斗十月戊子犯五諸侯壬  
辰犯太微十一月甲子在氐丁卯犯天江十二月丁亥  
入太微天禧元年三月丙午犯輿鬼戊午犯南斗杓四  
月丁丑入太微辛巳入氐五月甲辰犯太微六月丙子  
入氐七月庚子入太微犯上相九月庚申入太微十月

甲申犯輿鬼戊子入太微端門十一月丙辰入太微上  
相十二月壬午犯右執法二年正月甲寅入氐戊午犯  
南斗距星二月丁丑犯太微屏星三月乙巳入太微六  
月壬辰入太微西垣己亥犯房八月乙卯入太微九月  
癸未入太微犯屏星十月庚戌入太微三年五月壬戌  
又入八月壬辰入南斗魁癸卯犯昴九月己卯入太微  
十月癸卯犯軒轅次星乙巳犯右執法丙午犯角大星  
十一月癸酉入太微戊寅犯房四年正月庚辰掩昴二

月壬寅犯箕癸卯犯南斗三月癸亥犯右執法乙丑掩  
角右星戊辰掩心後星庚午入南斗魁四月乙未掩房  
次將丙申犯天江丁酉犯箕戊戌掩南斗魁五月癸亥  
掩心後星乙丑入南斗魁六月丁亥犯角南星十一月  
庚申掩昴丁卯犯軒轅大星辛未掩角距星閏十二月  
庚申犯輿鬼戊辰犯房辛未犯南斗魁五年正月壬午  
掩昴甲申掩五車東南星壬辰犯房上相丙申掩心後  
星戊戌入南斗魁二月己未入太微端門三月丙午犯

太微屏星癸巳犯南斗五月庚子犯五車東南星六月  
庚午犯五諸侯七月辛巳掩昴八月壬戌犯五車東南  
星九月戊子犯昴壬辰犯五諸侯乙未掩軒轅大星十  
月乙卯掩昴丁巳犯五車戊午掩東井乾興二年正月  
丁丑犯昴己卯又犯五車東南星辛卯犯房四月丙辰  
犯南斗魁第二星五月癸未犯南斗七月戊寅又犯辛  
卯犯東井癸巳犯輿鬼十一月己卯犯五車天聖元年  
正月壬申犯昴丁亥掩心大星五月丙子掩房六月丙

午犯南斗魁閏九月乙巳犯昴二月丁卯犯鬼因  
掩積尸四月辛未掩房南星六月丁卯犯天江戊寅犯  
昴下三星八月己卯掩軒轅大民星十月庚午犯井鍼  
辛巳犯氐三年六月甲子犯建丙子犯東井七月戊子  
犯房八月丙子又犯九月丁亥犯建十二月辛酉犯東  
井四年正月戊子犯東井十月己丑犯東井十二月丁  
亥犯畢距星五年九月癸卯犯建丁巳犯東井十月壬  
申犯牽牛中星甲申犯東井辛卯掩角南星壬辰入氐

十一月庚申犯氐六年正月癸丑犯角南星二月甲戌犯東井戊子犯牽牛六月壬申又犯氐七月丙辰犯畢己卯犯東井七年四月庚子犯氐六月庚戌掩畢九月壬申犯畢距星八年六月乙巳犯畢十月甲午掩畢柄第二星九年八月辛丑犯軒轅大星九月壬戌犯畢十月戊戌犯右執法十一月甲申掩畢大星丁酉犯氐明道元年二月丙午犯畢大星六月壬戌又犯七月壬辰犯東井九月癸巳入太微十月乙卯犯鬼西南星十一

月戊子犯謁者二年二月辛丑入畢口八月己亥入氐  
九月戊子入太微十二月丁未犯積尸景祐元年閏六  
月丁卯掩東咸庚辰犯罪八月甲子犯南斗十一月庚  
戌犯房十二月壬申入太微二年二月丙寅又入四月  
己未犯鬼六月丙辰入太微九月乙巳又入三年六月  
己卯犯氐八月乙卯犯南斗四年六月壬午犯南斗魁  
寶元元年三月戊申入太微四月丁丑犯角庚辰犯心  
前星六月乙亥犯心八月辛未犯箕二年五月癸卯犯

心大星十月壬戌犯南斗康定元年四月辛卯犯軒轅  
大星七月癸亥犯南斗十一月己巳犯軒轅御女十二  
月己丑犯昴慶厯元年正月辛未犯房次將六月庚子  
犯昴癸卯犯東井七月丙辰掩心後星戊午掩南斗天  
相八月庚子犯積尸九月己巳犯軒轅御女二年二月  
甲申犯輿鬼四月戊子犯房次將三年七月戊子犯東  
井九月癸未入東井丙戌犯軒轅右角四年七月甲申  
犯東井八月癸丑十月丙午又犯五年十二月癸酉犯

房上相六年七月壬午犯左角丁亥犯斗天府九月甲  
申犯牛十一月己丑犯畢距星辛卯犯東井庚子犯氐  
距星七年七月己卯犯氐八月壬戌犯畢大星乙丑犯  
東井八年二月癸酉犯畢六月己丑又犯十一月丙午  
掩畢皇祐元年二月戊辰又掩五月庚子犯太微上相  
癸卯入氐七月戊戌犯氐九月丙午犯畢十一月辛丑  
掩畢十二月戊辰犯畢二年三月丁酉犯軒轅大星八  
月庚申入氐壬申入東井十一月丙申犯畢己酉入氐

十二月辛卯犯畢大星三年三月癸丑犯畢四月己丑入太微癸巳入氐六月壬寅犯畢九月甲子犯畢距星四年正月丙辰犯東井八月丙申犯輿鬼五年八月丁巳犯東井至和二年二月辛丑犯氐壬寅犯心前星閏三月癸巳犯太微左執法丙申犯氐五月壬辰掩心前星七月己丑犯南斗壬辰犯壁壘陣八月甲戌犯軒轅大星上第二星嘉祐元年十一月己丑犯昴庚子犯角左星癸巳犯心十二月犯房二年四月庚申犯心己卯

又犯七月己卯犯角大星九月丁丑犯心後星己丑犯  
昴戊戌犯太微西垣上將三年正月庚寅犯左角二月  
癸卯入斗魁三月乙亥犯五車東南星四月乙巳犯五  
諸侯東星乙卯掩房距星五月乙酉掩南斗距星戊子  
掩壁壘陣七月庚辰入南斗魁辛卯犯五車東南星八  
月辛亥犯壁壘陣辛酉犯五諸侯壬戌犯輿鬼甲子犯  
軒轅大星九月甲戌掩箕己卯犯壁壘陣甲申犯昴丁  
亥犯東井十一月甲戌犯壁壘陣己卯犯昴癸未犯五

諸侯丙戌掩軒轅大星十二月甲寅犯軒轅左角少民  
閏十二月己卯犯輿鬼四年正月戊申掩軒轅大星丙  
辰犯心後星二月庚午犯五車四月庚寅掩昴五月乙  
巳犯房距星戊申掩南斗魁辛亥犯壁壘陣六月癸酉  
掩心後星八月癸酉犯壁壘陣九月丁未犯昴十月丁  
丑犯東井己卯犯輿鬼辛巳犯軒轅御女十一月己酉  
犯軒轅左角少民十二月己巳掩昴甲戌掩輿鬼五年  
正月癸卯犯軒轅御女辛亥犯心三月辛卯犯昴己巳

犯心後星戊申犯南斗距星四月癸亥掩輿鬼西北星  
癸酉犯心五月庚子犯房距星六月戊辰犯心七月庚  
戌掩東井八月壬戌犯房距星乙丑犯南斗九月庚寅  
夜漏未上掩心中央大星壬寅掩昴十一月丁酉犯昴  
十二月丁卯犯東井己巳犯輿鬼戊寅犯房距星六年  
正月丙午掩心大星二月己未犯昴三月己丑犯東井  
七月庚寅掩心大星辛卯犯天江癸卯犯昴八月庚午  
掩昴癸酉掩東井九月乙丑犯昴十月乙未犯東井十

一月庚申犯昴七年三月乙卯犯軒轅右角六月己亥犯天街八月己卯犯房距星九月丙辰犯軒轅右角十二月乙酉犯井錢八年二月庚辰犯東井庚寅犯房三月丁未犯井錢六月癸未犯建七月庚戌又犯八月甲戌犯房己卯犯牽牛辛卯犯東井九月乙未又犯十一月癸丑又犯治平元年正月丁未掩天關戊申犯東井三月庚戌犯角丁巳犯牽牛中星四月己巳犯天關庚午犯東井閏五月戊戌犯氐七月甲申掩畢八月甲寅

入東井九月庚辰犯天關十月丙申犯牽牛中星丙午  
犯畢戊申犯東井二年三月戊寅犯左角二月丁未入  
氐辛亥犯建壬子犯牽牛三月丙寅犯東井四月癸巳  
入東井五月己巳掩氐距星甲申犯畢六月丁酉入氐  
甲寅入東井七月戊辰犯建壬午入東井八月丙午犯  
畢己酉入東井十月庚寅犯牽牛中星庚子犯畢壬寅  
犯東井十一月戊辰犯畢辛未入東井三年十一月癸  
亥掩畢右股丁丑犯罰十二月甲辰掩西咸四年正月

庚申入東井甲子犯軒轅大民二月己酉犯畢西第二  
星戊子入東井癸巳犯靈臺丁酉犯亢癸卯犯牽牛三  
月乙卯入東井閏三月庚辰犯畢大星癸未入東井四  
月庚戌又入己未犯亢距星庚申入氐壬戌犯天江甲  
子犯建乙丑犯牽牛五月甲申犯左執法戊子入氐辛  
卯犯建辛丑犯畢北第四星甲辰入東井六月乙卯入  
氐己未掩建東第二星辛未入東井八月庚戌犯氐乙  
卯犯牽牛癸亥犯畢庚午犯軒轅御女辛未犯靈臺壬

申犯右執法九月庚辰犯南斗酉第一星辛巳犯建南  
第三星壬午又犯牽牛辛卯犯畢大星癸巳入東井十  
月戊午犯畢酉第三星辛酉入東井甲子犯軒轅大民  
丙寅犯靈臺丁卯犯右執法戊辰犯上相庚午犯亢距  
星辛未入氐十一月己卯犯壁壘陣戊子入東井壬辰  
犯軒轅御女十二月乙卯犯東井西南第二星庚申犯  
軒轅少民辛酉入太微戊辰掩西咸第一星庚午犯建  
星熙寧元年正月庚辰犯畢右股第二星二月丁巳入

太微庚申入氐三月癸未入太微四月壬子犯東上相  
甲寅犯亢第三星乙卯入氐五月丙子犯軒轅御女癸  
未掩氐北第二星甲申犯罰南第一星六月乙巳犯西  
上相庚戌入氐丙寅入東井七月癸酉入太微垣軌道  
無所犯丙子犯亢距星甲午入東井八月乙巳掩氐東  
北星丙午犯罰北第二星辛酉入東井九月戊子入東  
井壬辰犯軒轅御女甲午入太微十月乙巳犯牽牛丙  
辰入東井庚申犯軒轅少民辛酉入太微十一月辛巳

犯畢大星癸未犯東井酉第二星己丑入太微十二月  
戊申犯畢甲寅犯軒轅御女丙辰入太微辛酉犯氐二  
年正月戊寅入東井癸未犯酉上相戊子入氐二月己  
酉犯軒轅大星甲寅犯亢距星乙卯入氐三月丙子犯  
軒轅大星戊寅入太微癸未犯氐東北星四月庚子入  
東井庚戌入氐五月甲戌犯東上相壬辰掩畢大星六  
月乙巳入氐己未犯畢七月壬申入氐辛巳入羽林軍  
己丑入東井犯東南第二星八月甲寅犯畢大星丙辰

入東井九月辛巳犯畢丁亥犯軒轅大星己丑入太微  
十月壬寅犯壁壘陣辛亥犯東井東北第三星丙申入  
太微十一月己巳犯壁壘陣丙子犯畢戊寅入東井癸  
未犯靈臺北第一星甲申入太微閏十一月丙午入東  
井十二月辛未犯畢大星癸酉犯東井西北第二星戊  
寅入太微三年正月丙午又入庚戌入氐二月戊辰入  
東井甲戌入太微戊寅入氐壬午犯建三月癸巳犯畢  
庚子入太微四月戊辰又入壬申入氐五月乙未入太

微甲辰犯建西第一星六月癸亥入太微丁卯入氐七月己亥犯建辛亥犯東井鉞星八月乙丑犯天籥己卯犯東井東第二星九月乙巳掩天關丙午犯東井距星戊申犯輿鬼東北星辛亥入太微十月丙寅犯羽林軍癸未入氐十一月癸巳入羽林軍辛丑入東井丙午入太微戊申入氐十二月癸酉犯西上將四年正月辛卯犯畢乙未犯天闕辛丑入太微癸卯掩犯平道東星甲辰犯亢乙巳入氐二月辛酉犯畢距星北第二星癸亥

掩犯東井距星戊辰入太微甲戌犯東咸二月甲午犯  
軒轅大星北一星庚子入氐四月丁卯又入庚午犯天  
江丙子入羽林軍五月庚寅入太微甲辰入羽林軍六  
月戊午入太微癸亥犯鍵閉七月丙戌入太微己丑入  
氐八月甲子犯壁壘陣第一星九月乙巳犯軒轅丁未  
入太微十月辛酉入羽林軍丁卯犯畢北第三星己巳  
犯東井甲戌入太微丁丑犯亢距星戊寅入氐十一月  
戊子入羽林軍壬寅入太微十二月壬戌犯畢距星甲

子犯東井東北第一星丁卯犯軒轅大星北一星五年  
正月丁酉入太微庚子入氐二月壬戌犯軒轅大星北  
一星甲子入太微三月丙戌犯東井東北第一星甲午  
犯亢距星乙未入氐五月甲申掩軒轅大星丙戌入太  
微六月乙卯犯平道東星丙辰掩犯亢距星丁未入氐  
戊午犯房北第一星辛酉犯南斗距星七月癸巳犯羽  
林軍西一星閏七月甲寅犯天江東第三星辛酉入羽  
林軍八月癸卯入太微九月乙卯入羽林軍壬戌犯天

街南星十月癸未入羽林軍甲申犯壁壘陣東第一星  
乙未掩軒轅大星北一星十一月庚戌入羽林軍己未  
犯東井東北一星甲子入太微丁卯犯亢距星戊辰入  
氐己巳犯鈎鈴東星六年正月壬子犯諸王酉第一星  
庚申入太微癸亥入氏甲子犯東咸西南第二星乙丑  
犯天江西南第二星二月己卯犯天街西南星乙酉犯  
軒轅大星北一星庚寅入氐三月甲寅入太微戊午入  
氐四月辛巳入太微癸未犯進賢癸巳犯羽林軍五月

己酉入太微六月辛巳犯東咸西一星七月甲辰入太  
微丁未入氐戊申犯房北第一星辛亥掩南斗酉第五  
星八月癸未入羽林軍甲申犯壁壘陣東第二星戊戌  
入太微九月甲辰犯天江南第二星乙丑入太微十月  
辛巳犯外屏西第五星甲申犯月星癸巳入太微丙申  
入氐十一月丙午犯壁壘陣西北星壬子犯天街南星  
十二月己卯掩月星辛巳犯司怪北第二星丁亥入太  
微七年正月乙卯入太微二月壬午又入三月己酉又

入辛亥犯進賢癸丑入氐乙卯犯天江南一星四月乙  
亥掩軒轅大星北一星五月甲辰入太微六月辛未又  
入己卯犯南斗西第五星己丑掩犯天陰北第一星庚  
寅犯天街北星七月甲辰犯心大星己酉犯壁壘陣西  
第一星丙辰犯天陰西南星八月己卯犯壁壘陣東第  
四星辛卯犯軒轅大星北一星九月戊申犯外屏西第  
三星辛亥犯天陰中央星十月戊寅犯天陰西南星己  
卯犯月星戊子入太微十一月丙辰犯左執法又入太

微十二月癸酉掩犯天陰第三星八年正月癸卯犯司  
怪北一星乙巳犯五諸侯西第四星庚戌入太微二月  
戊辰犯昴距星丁丑入太微戊寅犯左執法甲申犯箕  
東北星四月壬申入太微丁丑犯心距星壬午犯壁壘  
陣閏四月己亥入太微辛亥入羽林軍壬子犯壁壘陣  
東北第一星丙辰犯天陰西南星五月丁卯犯右執法  
辛巳犯外屏西第二星六月甲午入太微己亥犯日星  
壬寅入南斗魁丙午入羽林軍七月庚午犯狗國西南

星癸酉入羽林軍己卯犯昴西南第二星癸未犯五諸  
侯八月甲午犯心距星辛丑入羽林軍十月戊戌犯外  
屏西第三星庚子犯天陰西北星己酉犯長垣南一星  
庚戌犯西上將十一月丁丑犯靈臺北第一星庚辰犯  
角距星十二月庚戌犯日星九年正月辛未犯長垣南  
一星四月庚子犯心大星五月丁卯犯房距星壬午犯  
壁壘陣甲戌又犯六月乙未掩心東星庚子犯壁壘陣  
西第五星丙午犯天陰西北星七月甲戌犯昴東北星

戊寅犯五諸侯東一星八月癸巳掩狗國西北星乙未  
犯壁壘陣西第五星癸卯犯五車西南星九月丁巳犯  
心東星壬戌犯壁壘陣西南星丙寅犯外屏西第二星  
辛未犯司怪北第一星丁丑犯靈臺南第二星十月辛  
卯犯壁壘陣西第八星庚子犯五諸侯西第四星十一  
月庚申犯外屏西第一星十二月乙未犯五諸侯東一  
星丙申犯輿鬼東北星戊戌犯軒轅大星己亥掩靈臺  
南第二星丙午犯心東星十年正月戊午犯昴西北一

星乙亥犯箕東北星二月庚子犯房距星癸卯入南斗  
甲辰犯狗國東北星四月甲辰犯外屏西第一星六月  
庚寅犯心東星丙申犯壁壘陣西一星七月癸酉犯五  
諸侯東一星八月庚寅犯壁壘陣西第二星戊戌犯五  
車東南星九月辛酉犯外屏西第一星丙寅犯司怪北  
第一星十月乙酉犯壁壘陣西第四星己亥犯靈臺北  
第二星癸亥犯積薪十二月癸未犯外屏西一星丙戌  
犯昴西北星辛卯掩輿鬼西北星辛丑犯心東星元豐

元年正月壬戌犯明堂東北星辛未掩南斗酉第五星  
閏正月戊子犯軒轅少民乙未犯房距星次相二月壬  
子犯五諸侯東一星癸亥犯心大星三月癸巳入南斗  
掩東第二星四月丁巳犯房南第二星庚申入南斗庚  
午犯昴西北星五月乙酉犯心東星六月乙卯犯南斗  
東南第一星七月甲午犯司怪北第二星九月癸巳犯  
軒轅御女十月庚戌犯雲雨東北星丙辰犯司怪北一  
星丁巳犯東井東北第一星戊午犯積薪十一月壬戌

犯輿鬼又犯積尸十二月乙酉犯昴西北星癸亥犯心  
星丙寅犯西星二年正月己卯犯東井東北第一星辛  
巳犯輿鬼距星又入犯東南星并積尸甲申犯靈臺二  
月庚戌犯軒轅御女辛亥犯靈臺南一星三月辛未犯  
昴西北星壬午犯天門東星乙酉犯心大星四月乙卯  
犯南斗五月己卯犯日星犯房距星六月甲辰犯天門  
東星甲寅犯泣西星七月己卯犯羅堰癸未犯雲雨東  
北星壬辰犯輿鬼西南星八月辛酉犯軒轅御女九月

庚午犯天江甲戌犯羅堰丙子犯泣西星壬午犯昴距  
星十月乙巳犯雲雨西南星庚戌犯天街東北星十一  
月丁丑犯昴距星己卯犯司怪庚辰入東井辛巳犯水  
位十二月戊申犯天樽東北星庚戌犯軒轅大民又犯  
酒旗三年正月壬申掩昴宿東北星甲戌犯司怪乙酉  
犯心距星二月壬寅入東井乙巳犯軒轅大民三月庚  
午犯天樽南星丁丑犯天門庚辰犯心大星壬午犯南  
斗四月丁未犯心距星壬子犯牽牛南星及羅堰五月

己巳犯明堂西第二星甲戌犯日星又犯房己卯犯牽牛壬午犯虛梁酉第一星六月己亥犯泣酉星戊午犯東井距星七月己巳犯心距星戊寅入雲雨癸未犯昂八月丙申犯日星甲辰犯虛梁九月辛未犯泣酉星戊寅犯天街東北星庚辰犯東井距星辛巳犯天樽南星閏九月丙申犯牽牛南星庚子犯雲雨西北星乙巳犯昴丁未犯司怪南第二星戊申入犯東井東北第三星辛未犯酒旗十月辛酉犯氐壬戌犯天陰西北星十一

月乙未犯雲雨庚子犯昴庚戌犯天門十二月壬戌犯  
雲雨西北星庚午入東井癸酉犯軒轅右角乙亥犯明  
堂辛巳犯天江癸未犯建西第二星四年三月壬辰入  
東井五月辛亥犯月星六月己巳犯羅堰西第二星己  
卯犯諸王西第二星辛巳入東井七月戊申犯東井鉞  
星八月庚申犯天江西第三星壬戌犯建西南第三星  
癸酉犯月星己卯犯軒轅大民九月己丑犯建西第一  
星庚寅犯天雞東南星辛卯犯羅堰北第二星十月辛

酉掩犯虛梁西第三星壬戌犯雲雨西北星戊辰犯天  
街西南星庚午犯東井西北第三星十一月甲午犯天  
陰西南星乙未犯月星戊戌入東井癸卯犯明堂西第  
二星戊申犯東咸西南第二星己酉犯天江東北第二  
星十二月癸亥犯天街西南星乙丑犯東井西北第二  
星五年正月辛卯犯諸王東二星癸巳犯東井東南第  
二星二月庚申入東井辛酉犯水位星西第一星三月  
戊子入東井庚子犯建酉第一星五月乙酉犯酒旗南

第二星甲午犯天籥西北星己亥犯虛梁西第二星六  
月丙子入東井七月丁亥犯東咸西第二星辛卯犯牽  
牛距星甲午犯虛梁西第二星甲辰入東井八月甲寅  
犯鉤鈴西星甲子犯外屏西第一星辛未入東井九月  
戊戌又入十月壬子犯建酉第五星癸丑犯牽牛距星  
丁巳犯雲雨西南星甲子犯諸王酉第五星十一月癸  
未犯虛梁西第三星丙戌犯外屏酉第一星癸巳入東  
井甲午犯水位星酉第一星十二月己未犯天關庚申

入犯東井六年正月己卯犯雲雨酉星乙酉犯畢距星  
丁亥犯司怪南第一星戊子入東井二月乙卯又入壬  
申犯虛梁西第三星三月癸未入東井四月庚戌又入  
己未犯氐距星五月乙未入雲雨七月丙辰犯虛梁西  
第一星八月丁丑犯鍵閉辛巳犯牽牛距星乙酉入犯  
雲雨東北星癸巳犯東井西北第二星九月辛亥犯虛  
梁西第二星戊午掩犯距星辛酉入東井甲子犯酒旗  
南第二星十月戊子入東井十一月乙卯又入乙丑入

氏丙寅犯房北第一星十二月庚辰掩犯罪距第二星  
七年正月辛亥犯水位星酉第一星丙辰犯明堂二月  
戊寅入東井丁亥入氐辛卯犯建三月壬寅犯罪距星  
乙巳入東井戊申犯酒旗四月戊寅犯明堂東北第一  
星壬午入氐丁亥犯羅堰壬辰犯外屏西第二星六月  
壬午犯羅堰南第二星七月辛酉入東井八月戊子入  
犯東井九月丙辰入犯東井東南第一星十月壬午犯  
司怪南第一星癸未入東井己丑犯明堂甲午犯心大

星十一月庚戌入東井十二月辛未犯外屏西第二星  
乙亥入犯畢辛巳犯酒旗戊子入氐己丑犯罰八年正  
月壬寅犯畢酉第二星乙巳入東井乙卯入昴二月壬  
申入東井甲申犯東咸東第一星三月庚戌入氐辛亥  
犯罰甲寅犯建星酉第五星乙卯犯牛距星庚午犯畢  
四月丁卯入井五月己酉犯天鷄西北星六月壬申入  
氐丙子犯建星酉第四星七月甲辰犯天鷄癸丑犯畢  
又行入畢丙辰入井八月丁卯入氐辛未犯建星酉第

四星壬申犯牛距星甲戌犯泣東星九月辛亥入井犯  
東南第一星十月丁卯犯羅堰北一星乙亥犯畢西第  
二星戊子入氐十一月甲午犯牛距星癸卯入畢又犯  
畢大星乙巳入井己酉犯軒轅御女癸丑犯進賢十二  
月丁卯犯外屏庚午掩畢距星

宋史卷五十三

宋史卷五十三考證

天文志六月犯五緯慶元四年七月己亥宿於歲星○  
臣召南按宿於歲星即掩食之別名也當時史官文其辭而編志者未改耳

十二月丙寅掩心○臣召南按心有中前後三星此文應云掩心某星刊本脫二字耳

乙已在東井九月壬申又入東井○按在東井當作入

東井

宋史卷五十三考證